




Daim ntawv qhia kev Tiv thaiv pa roj Carbon Monoxide (CO) Lom

Lub npe pa roj carbon monoxide mas feem ntau yog hu ua CO, uas yog lub cim rau yam tshuaj ntawd. Txaww dua tsis zoo li lwm yam roj, cov CO noj yeej tsis muaj ntxhiab, xim, lossis qab, thiab yeej tsis ua kom tej tawv nqaij khaus li.

Cov ntshab liab yuav nqus tau cov CO no sai dua li cov oxygen ua pa. Yog muaj cov CO no xyaw huab cua ntau dua, koj lub cev yuav pib nqus cov CO los hloov cov pa oxygen. Qhov no yuav ua rau cov pa oxygen nkag tsis tau rau koj lub cev, uas muaj peevxwm ua rau koj lub cev puas thiab txov taus koj txojsia. Yog paub tias cov CO no muaj nyob rau qhovtwg thiab yuav ua li cas thiaj tiv thaiv tau ces koj yuav tsis raug kev mob nkeeg lossis raug tuag.



Sim seb koj paub ntau npaum li cas txog cov pa roj Carbon Monoxide ntawm cov Ius nug no.

Hauv lub tsev, lub tsev Cabin, thiab lub Camper

Cov lus nug no feem ntau yeej raug rau txhua tus tswv-tsev, cov neeg mus pw hav zoov thiab cov neeg xauj tsev nyob. Cov neeg uas xauj tsev nyob yuav tau nrog lawv tus tswv tsev tham txog kev tswj thiab kho tej no.


- Yuav ntev npaum li cas kuv mam li kuaj qhov dim pa ntawm kuv lub qhovcub rauv taws thiab lwm yam cav uas siv roj?
Txhua xyoo. Kom cov neeg txawj kho cav tuaj kuaj tagnrho txhua yam uas muaj qhov tso kom dim pa hauv koj lub tsev ib xyoos ib zaug.



- Ntev npaum li cas mam li kuaj kuv cov cav uas siv roj?
Txhua xyoo. Yuav tau kuaj txhua lub cav uas siv roj txhua lub xyoo. Koj lub gas company yuav ua qhov no rau koj.
- Puas yog txhua lub cav uas siv roj yuav tsum muaj qhov dim pa lawm sab nraum zoov?
Yog. Txhua lub cav uas siv roj yuav tsum muaj kev dim pa thiaj yuav tsis muaj cov pa CO auv rau hauv koj lub tsev, lub tsev cabin lossis lub camper.

- Ntev npaum li cas kuv mam li kuaj lub chimney hauv qhovcub rauv taws seb puas muaj qhovtwg puas lossis khaub daig?
Txhua xyoo. Muaj khaub los daig tau rau hauv cov chimney rauv taws no. Thaum zoo li no lawm yuav ua rau cov pa roj CO auv rau sab hauv koj lub tsev lossis tsev cabin. Yuav tau kuaj koj lub chimney lossis ib xyoos cheb ib zaug.
- Puas zoo uas cia li siv ntaub nplaum, gum, lossis lwm yam los lo lub raj cua dim pa uas tawm lawm sab nraum zoov?
Tsis zoo. Yog lo li no xwb mas yuav ua rau cov pa roj CO muaj auv rau hauv koj lub tsev, lub tsev cabin, lossis camper.
- Tus raj cua dim pa uas tawm lawm sab nraum zoov ntawm txhua lub cav hauv tsev puas yog yuav tsum cia pw ncaj ncaj rov tav?
Tsis yog. Tus raj cua dim pab sab hauv yuav tsum nkaus zog mentsis ces mam li tawm sab nraud lawm. Qhov no thiaj tiv thaiv tau cov pa roj CO thiab lwm yam roj uas dim pa ntawm yav cog sib txuas lossis tej yav uas dho tsis khov.

Here's the Safe Way to Connect Heating Equipment to the Chimney



- Puas tsim nyog kuv taws kuv lub qhovcub ua noj lossis qhovcub ci nqaij kom sov tsev?
Tsis tsim nyog. Thaum siv lub qhovcub ua noj lossis qhovcub ci nqaij los taws kom sov tsev mas yuav ua rau cov pa roj CO auv rau sab hauv koj lub tsev, lub tsev cabin, lossis lub camper.

- Raws li ib txwm ne kuv lub gas refrigerator puas tsw muaj ib tug ntxhiab?
Tsis muaj. Yog koj hnov ntxhiab tsw ntawm qhov uas ua kom txias tuaj ces txhais tau tias koj lub gas refrigerator puas lawm. Tej zaum yog nws twb tso cov pa roj CO tawm los ntag. Yog koj hnov txhiab tsw ntawm koj lub gas refrigerator qhov uas ua kom txias no ces cia li nrhiav neeg tuaj kho.
- Puas tsim nyog kuv siv lub qhovcub rauv thee lossis qhovcub ci nqaij rau sab hauv tsev?
Tsis tsim nyog. Thaum uas siv lub qhovcub ci nqaij li no rau hauv tsev ces yuav ua rau cov pa roj CO auv rau sab hauv koj lub tsev, koj lub cabin, lossis koj lub camper tshwj rau thaum koj siv sab hauv koj lub qhovcub rauv taws uas muaj chaw dim pa.
- Puas tsim nyog kuv rauv thee hauv tsev?
Tsis tsim nyog. Yog rauv cov thee--liab, txho, dub, lossis dawb -- ces yuav muaj cov pa roj CO.
- Puas zoo siv cov heater (catalytic) uas siv tshuaj tabsis tsis cig nplaim rau hauv tsev?
Tsis zoo. Txawm hais tias cov heater no tsis muaj nplaim los, nws yeej tseem siv roj thiab yuav ua rau cov pa roj CO auv rau sab hauv koj lub tsev, lub tsev cabin, lossis lub camper.
- Puas zoo rau kuv siv lub qhovcub gas uas nqa tau mus pw hav zoo rau sab hauv tsev?
Tsis zoo. Thaum uas siv lub qhovcub gas uas nqa tau mus pw hav zoov rau hauv tsev mas yuav ua rau cov pa roj CO auv rau sab hauv koj lub tsev, lub tsev cabin, lossis lub camper.

Koj lub Tsheb lossis Truck

- Ntev npaum li cas kuv mam li kom tus neeg kho tsheb kuaj cov raj cua hauv kuv lub tsheb?
Txhua xyoo. Yog koj cov raj cua to ib lub qhov me me xwb los yuav ua rau cov pa roj CO tawm los auv rau sab hauv koj lub tsheb.
- Puas zoo rau kuv tiv cav tsheb lossis truck cia sab hauv nkas-las es kaw qhovrooj rau?
Tsis zoo. Thaum koj lub cav tsheb tiv rau hauv lub nkas-las uas kaw ntom nti mas yuav ua rau cov pa roj CO auv ntau heev thiab saib kawg li. Tsis txhob tiv koj lub cav tsheb cia hauv nkas-las ib zaug li tshwj tias lub qhovrooj sab nraum zoov qhib es dim pa.
- Puas yog kuv yuav tsum tau kaw lub qhovrooj uas txuas ntawm kuv lub tsev mus rau hauv lub nkas-las thaum uas kuv tiv cav tsheb lossis truck hauv nkas-las?
Yog. Cov pa roj CO muaj peevxwm nkag ntawm lub qhovrooj nkas-las no mus rau hauv koj lub tsev, tab txawm tias koj twb qhib lub qhovrooj nkas-las loj kom dim pa. Yog thaum twg koj tiv cav tsheb hauv nkas-las lawm cia li kaw lub qhovrooj uas nkag ntawm koj lub nkas-las mus rau hauv tsev twj ywm.
- Kuv tsav lub tsheb station wagon. Puas zoo rau kuv qhib lub qhovrai nram qab kom dim pa hauv tsheb?

Yog koj qhib koj qhovrai nram qab, koj yuav tau qhib lwm lub qhovrai ntxiv kom muaj cua hliv koj lub tsheb. Yog tias koj tsuas qhib lub qhovrai nram qab nkauis xwb ces yuav ua rau cov pa roj CO nkag tau los rau hauv koj lub tsheb.

Cov Cav Siv Hauv Tsev

- Yuav ua li cas kuv thiaj paub tias lub cav zoo, yog kuv ho xaiv cov cav uas siv roj? *Yuav cov cav uas muaj lub cim ntawm cov koomhaum uas kuaj khoom, xws li lub American Gas Association lossis lub Underwriters' Laboratory.*
- Qhov uas yuav hloov lub taws roj hom no mus rau hom tod yuav nyuaj npaum li cas? *Tej zaum yuav nyuaj yog tias yuav ua kom txhob muaj teeb meem. Koj yuav tau nrhiaiv cov neeg uas paub tuaj ua kom meej thiab kuaj seb puas dim pa txaus tiag.*